

四庫全書

史部

欽定四庫全書

史部

欽定大清會典則例卷九十四至
六

詳校官檢討臣劉 烜

編修臣程嘉謨覆勘

總校官原任中允臣王燕緒

校對官中書臣陸 湘

校對官中書臣袁文邵

謄錄監生臣陸肇脩

謄錄監生臣李逢堯

欽定四庫全書

欽定大清會典則例卷九十四

禮部

主客清吏司

朝貢下

一迎送崇德二年定朝鮮進貢及奉表奏事豫
稟守邊大臣詢明來由開報來使職名人役由
部奏準移咨兵部給發信票移文守關官仍由

部移文守關官迎接撥人伴送至

東京再撥人送至

盛京守關官驗票放入回時兵部仍給信票遣官
伴送出關守關官驗票放出由部委官伴送到
東京再撥人送至邊界沿途驛遞人夫車馬食物
等項均照例給發○順治元年定貢使歸國差
司賓序班一人給勘合由驛遞伴送沿途防護
促行不得停留騷擾及交易違禁貨物交明該

督撫即還該督撫照例送出邊境○八年定凡外國貢使及定額從人來京沿途口糧驛遞夫馬舟車該督撫照例給發差官伴送及兵丁護送來京及回日沿途口糧驛遞夫船兵部給與勘合其留邊人役該地方官照例給與食物嚴加防守貢使回時同送出境○十二年覆準廣東撫臣題稱荷蘭國遣使齎表入貢該撫量差官員兵丁護送來京仍擇諳曉荷蘭語言三四

人偕來○康熙元年定朝鮮來使回國由部差
通官一人伴送至山海關移咨兵部給與山海
關鳳凰城路引量給官兵護送至關自關撥兵
護送至鳳凰城沿途行糧食物移咨戶部光祿
寺照例給發○七年奏準安南國貢使歸國差
司賓序班一人伴送至廣西交與該督撫差官
護送出境○九年奏準西洋國貢使回國差司
賓序班一人伴送至廣東交該督撫差官護送

出境○十七年西洋國入貢沿途兵部給口糧
驛遞夫船部仍差官伴送至廣東交該督撫差
官護送出境○二十三年

諭暹羅國進貢員役回國有不能乘馬者官給夫轎從
人給舁夫欽此○又覆準除護送來京官外特差本
部司官筆帖式各一人伴送○四十七年暹羅
國入貢其副貢船被風漂至安南地面續至粵
西仍差官伴送至京○五十一年

諭聞朝鮮沿途館舍傾圯進貢奏事人員甚為勞瘁著該地方官修葺堅固欽此○六十一年奏準暹羅貢使回國遣本部漢司官一人伴送○雍正三年西洋國教化王入貢奉

旨其來使賜燕畢差司賓序班一人伴送至廣東該督撫差官護送出境○四年

諭從前安南國遣使來京朕曾降旨令經過地方於一切供給日用之物酌量增加令其充足今琉球國使

臣前來著照此例欽此○又覆準琉球國王齎表謝
恩員役回國照例差司賓序班給與驛遞伴送至福
建交該督撫送至邊境○是年蘇祿國王遣陪
臣航海入貢奉

旨蘇祿國遠在海外隔越重洋從來未通職貢今輸誠
向化甚屬可嘉閩省起送來京之時著沿途地方官
護送照看應用夫馬食物從厚支給欽此○五年議
準西洋博爾都噶爾國王感被德化特遣使臣

不比尋常進貢所帶貢物令其由水路來京其
來使從人願帶來京者聽願留粵省者令該地
方官從豐撥給房舍食物○又奏準該國初次
進貢遣內務府郎中一人同在京居住西洋人
一人往迎來使至回國時仍遣前往迎之人伴
送由水路至廣東交該督撫護送出境○七年
覆準嗣後遇有差送使臣等事令禮部堂官將
行人司與本部司官一同簡選引

見聽候差往○是年老撾南掌國奉表入貢奉

旨南掌國遠在西南徼外從來未通職貢今輸誠向化甚屬可嘉滇南起送來京之時著沿途地方官護送照看應用夫馬食物從厚支給欽此○八年定南掌

國貢使歸國即著原護送來京之官送往交該督撫照例送出邊境○十三年覆準朝鮮貢使入京沿途館舍量加修葺並令迎送官不限程塗準其於人煙輳集之村莊賃店投宿○乾隆

三年奏準安南國使臣從前皆由陸路來京後
改由水路今值冬令冰凍水路難行聽由陸路
至江南換船○五年蘇祿國王遣番目人等奏
請朝貢奉

旨蘇祿國隔越重洋道路遙遠該國王傾心向化著
準其所請該使臣來時地方官加意照看○十四
年覆準朝鮮貢使入邊時由鳳凰城城守尉率
領官兵點驗入關沿途官兵護送到京回國之

日由部行文兵部差旗員驍騎校各一人官兵二十名給官兵告示一道毋許沿途私買禁物令其遞行護送其沿途住宿令地方官計其人馬數目豫備店舍仍令護行官兵日間看守店門如該國人役購買物件檢點出入人數撥兵跟隨稽防違禁物件夜間更番巡邏倘內地旗民窺探勾引即拏稟地方官立時究治或迎送通官與該國人稔熟附和生事許地方官申詳

府尹或地方官豫備店舍不周許護行等官揭
報府尹或護行官檢點看守不周及撥兵短少
許迎送通官揭報將軍或護行官縱兵擾累地
方許該管旗民官揭報各該上司皆行咨部議
處○十五年覆準朝鮮貢使入邊將帶來行李
及貿易貨物報明察驗車馬數目沿途按界委
地方官催趲車輛與貢使一同按程行走仍令
各界地方官於報單內注明經過日期以便稽

察若塗中車馬損乏即令前塗豫為雇覓並小心防範無使行李貨物遺失如朝鮮員役有托故落後者責之迎送通官如催趲車輛不力致朝鮮人行行李貨物有疎虞專責成該管旗民地方官

一市易崇德年間定凡鳳凰城等處官兵人等往義州市易者每年定限二次春季二月秋季八月寧古塔人往會寧地方市易者每年一次

庫爾喀人往慶源地方市易者每二年一次由
部差朝鮮通事官二人寧古塔官驍騎校筆帖
式各一人前往監視凡貉獾騷鼠灰鼠鹿狗等
皮許其市易外貂水獺猓獾江獺等皮不許
市易定限二十日即回○順治初年定凡外國
貢使來

京頒賞後在會同館開市或三日或五日惟朝鮮
琉球不拘期限由部移文戶部先撥庫使收買

咨覆到部方出示差官監視令公平交易○又
定外國船非正貢之故無故私來貿易者該督
撫即行阻逐○又定正貢船未到護貢探貢等
船不許交易○九年定朝鮮國人來京貿易者
奏

聞方準貿易○十六年題準暹羅國再來探貢所帶
壓船貨物就地方交易其抽丈船貨稅銀清冊
移送戶部察覈○康熙二年荷蘭國助勦海逆

並請貿易奉

貢著二年貿易一次○三年定凡外國進貢順帶貨物
貢使願自出夫力帶來

京城貿易者聽如欲在彼處貿易該督撫委官監
視毋致滋擾○五年奉

旨荷蘭國既八年一貢其二年貿易永著停止○二十
四年定外國貢船所帶貨物停其收稅其餘私
來貿易者準其貿易聽所差部員照例收稅○

又定番船貿易完日外國夷人一并遣還不得
久留內地○又定貢船回國帶去貨物免其收
稅○二十五年定荷蘭國止許在福建廣東兩
省貿易完日即令回國○二十八年定內地商
民船至朝鮮者停其解京除原禁貨物外聽其
發賣回籍仍將姓名籍貫人數貨物於貢使進
京時彙開報部如其船遭風破壞難以回籍令
該國王將人口解送至京○四十七年覆準暹

羅國進貢馴象船其壓船貨物願自出夫力帶來

京城貿易者聽如欲在廣東地方貿易著該督撫委官監視其交易貨物數目及監視官職名造冊報部壓船貨物照例停其徵稅○五十六年諭海中東洋可往貿易若南洋不可令往紅毛等國船聽其自來欽此遵

旨議準南洋呂宋噶喇吧等處內地商船驟不許前去

其外國夾版船聽其前來貿易○六十一年覆
準暹羅國王進貢表文內奏請海洋通舟來往
貿易著遵五十六年定例行○又奉

旨朕聞暹羅國米甚豐足價亦甚賤若於福建廣東寧
波三處各運米十萬石來此貿易於地方有益此三
十萬石米乃為公前來不必收稅禮部問暹羅使臣
定議具奏遵

旨會問來使據稱該國米用內地斗量每石價值二三

錢今議定載米到時每石給價五錢除為公運三十萬石不收稅外其帶來米糧貨物任從貿易照例收稅○雍正元年覆準暹羅貿易船被風漂至浙省其貢使請遣貢伴赴浙就便發賣行令該撫委官監看並將原船交貢伴領回○二年

諭暹羅欽遵

聖祖仁皇帝諭旨運米令地方官照粵省見在時價速

行發賣不許行戶任意低昂今部議每石定價五錢
賤買貴賣甚非朕體卹小國之意著行文浙閩此次
已到之米及該國見今發運續到者皆照粵省之例
嗣後令且暫停運米俟有需米之時降旨遵行其壓
船隨帶貨物本應照例收稅但該國王實能輸誠向
化冒險遠來此次應徵稅銀一槩免徵欽此○四年
覆準暹羅國前經奉

旨停其運米所差探貢二船帶來米及貨物由該國起

行時尚在未奉

旨之先既涉險遠來聽其就近發賣乘風信還國○五

年暹羅國商民運米至閩奉

旨所運之米不必上稅永著為例○六年暹羅商民運

米至福建浙江奉

旨不必上稅永著為例○乾隆元年

諭朝鮮歸順我朝恪守藩封之職累世恭謹向來八

旗臺站官兵於每年二八月攜帶貨物前往中江

與朝鮮貿易朕思旗人皆有看守巡察之責無暇
貿易且亦不諳貿易之事遠人到邊恐致稽遲守
候多有未便嗣後著內地商民與朝鮮國人貿易
即令中江管稅官實力稽察務須均平交易毋得
需索滋擾欽此○二年朝鮮國王奏請中江貿易
令內地商民多有未便懇照舊例奉

旨著照所請仍循舊例與兵丁按期交易○八年

諭上年九月間暹羅商人運米至閩朕曾降旨免徵

貨船稅銀聞今歲仍復帶米來閩貿易似此源源而來其加恩之處自當著為常例著自乾隆八年為始嗣後凡遇外洋貨船來閩粵等省貿易帶米萬石以上者著免其船貨稅銀十分之五帶米五千石以上者免其十分之三其米聽照市價公平發糶若民間米多不需糶買即著官為收買以補常社等倉或散給沿海各標營兵糧之用俾外洋商人得沾實惠不致有糶賣之艱欽此

一禁令崇德二年定凡內地人口逃往朝鮮者
行令該國王解送○順治元年議準外國餽送
該督撫禮物永行禁止○又議準朝鮮一應事
宜不許越奏

御前敘功等事申吏部地畝倉庫錢糧等事申戶部
朝賀貢獻婚娶等事申禮部軍務逃盜等事申
兵部辭訟告首等事申刑部修理城池邊關等
事申工部其應申各部之文均由部轉發○又

議準凡外國貿易不許收買史書黑黃紫皂大
花西番蓮段並一應違禁兵器焰硝牛角等物
各行戶人等將貨物入館交易染作布絹等項
立限交還如有賒買及故意遲延欺詐致外國
人久候並私相交易者會同館內外四鄰軍民
人等有代外國人收買違禁貨物及將一應兵
器銅鐵違禁等物賣與外國人圖利者各問罪
貿易時由部出示曉諭○又定外國貢使歸國

伴送人員不許將違禁貨物私相貿易○康熙
五年定凡外國奏疏不得交遣往使臣帶來令
專差官交該督撫轉奏○又遣學士齎

勅諭朝鮮王所與奉使臣禮物先已減免今慮仍煩百

姓特再酌減永為定例

正使銀五百兩棉紬布二百
疋疋布六十疋豹皮十獾皮

三十青鼠皮十五鹿皮七大紙五十卷小紙百
卷花席二十順刀二把小刀十把被褥一副靴

襪各一雙鞍馬閑馬各一匹副使減銀百兩餘
同一等人役銀百兩棉紬四十疋布百疋小紙

八十卷二等入役銀六十兩棉紬二十六疋布
八十疋小紙八十卷三等入役銀四十兩棉紬

二十疋布五十疋小紙
六十卷各被褥一副

○又議準安南國給送

奉使官路費銀布絹等物令其收受餘物槩不
準收○六年議準外國投文各省該督撫即開
閱原文議題○又覆準督撫提鎮等官不許擅
自移文外國○又題準荷蘭國違例從福建入
貢除今次不議外嗣後遇進貢之年務由廣東
別道不許放入○二十四年覆準貿易番船回
國除禁物外不許附載內地人口及潛運造船

大木鐵釘油麻等物糧米止準酌帶口糧不許
多販貿易畢回國時該督撫委官察禁○又覆
準內地人口有流落外國願附船回籍者聽其
歸還具報該地方官察明準回原籍○又覆準
內地貿易商人來往大洋所帶防身軍器火礮
等項應照船之大小人之多寡該督撫酌量定
數起程時給與照票令海口防守及收稅等官
稽察數目準其帶往回時仍照原數驗入○三

十年議朝鮮國進貢正使及通官私買一統志
書通官草職發其國邊界充軍正副使書狀官
奉

旨從寬免議書貯庫○四十年覆準漁採船並貿易人
等至朝鮮國侵擾地方令察驗船票人數姓名
籍貫開明報部轉行該地方官從重治罪並行
文各該撫嚴飭沿海地方官有以海上貿易漁
採為名往來外國販賣違禁貨物肆行侵擾者

嚴行禁止○四十三年

諭朝鮮國王敬慎夙著其國人越境行劫隨經拏獲監禁奏請勘斷不必遣大臣察審即令該國王審明擬結具奏欽此○又覆準朝鮮國人二次越境過江殺人掠取段帛人參等物除各犯正法外其地方官各革職免其發遣該國王能即行拏獲勘斷奏請從寬免議○四十八年朝鮮貢使行至玉

田縣被盜竊去本章副本將該地方駐防官員

議處其朝鮮正使奉

旨從寬免交該國王治罪○四十九年

諭海賊被勦餘黨散走恐朝鮮不知情由謂大國之人
不敢設備反受侵掠著曉諭該國沿海地方用心防
守欽此○五十年覆準朝鮮國與奉天府金州復州
海州蓋州相近地方令

盛京將軍奉天府尹嚴禁沿海居民不許往朝鮮
近洋漁採或別地漁採人到朝鮮境亦令捕獲

解送若違禁漁採及不能捕獲者從重治罪該
地方官一并議處○五十一年

諭朝鮮海洋漁採船曾經申飭嚴緝今尚有船至朝鮮
邊界捕漁是即海寇嗣後許該國即行追勦如有生
擒者即速解送毋因內地之人以致遲疑欽此○又
具奏朝鮮國民越江殺人掠取人參等物差官
往鳳凰城會同該國陪臣審明各犯交該國王
擬罪正法奉

旨本朝例兄弟皆擬正法者存留一人養親此案罪犯
有親兄弟三四人亦照此例存留一人養親可傳諭
該國王遵行○五十四年覆準嚴禁漁採及私行越
江之人行文

盛京將軍奉天府尹及山東江南福建浙江廣東
督撫申飭沿海水師營嚴拏治罪並咨朝鮮國
王亦令嚴飭該國沿邊官兵不時巡察如有犯
越民人即行拏獲解送○又覆準渾春之庫爾

喀齊等住處與朝鮮止隔土門江居人太近恐
往來生事將安都立他木努房室窩鋪即行拆
毀與寧古塔移去官兵之屯莊皆令離江稍遠
居住嗣後沿邊近處蓋屋種地嚴行禁止如有
違禁兵民從重治罪該管官題叅議處移咨寧
古塔將軍並知會朝鮮國王○又覆準朝鮮解
到越江人一名除照越度關塞例治罪外移咨
盛京將軍察明此處巡邏官兵交部議處○又朝

鮮貢使回國從人違禁潛買黑角弓材至鳳凰城搜出該國即行呈報奉

旨交該國王審明具奏○五十六年覆準內地人民嗣後或飄風至朝鮮國有票文未生事者仍照例送回若並無票文私自越江生事許該國王緝拏照其國法審擬咨明禮部請

旨族

命下日行文該國即於彼處完結仍報部存案○六

十一年覆準暹羅國奏稱彼國有二紅皮船前
因禁洋被留令廣東督撫察明交貢使帶回其
在廣駕船水手人等繫內地者各發原籍安插
繫暹羅夷人令隨船回國○雍正二年

諭暹羅國來船梢目雖繫廣東福建江西等省人民然
住居該國已經數代各有親屬妻子實難勒令還歸
著照所請仍令回國居住欽此○六年

諭據朝鮮國王咨禮部文稱本國賊黨恐有潛逃懇飭

關口防汎訶察等語朝鮮世効恭順彼國逆犯即繫
朝廷法所應誅之人著行文盛京山東等處邊界地
方官員朝鮮語言衣服與內地迥別易於稽察倘有
此等罪犯潛逃者著即嚴拏解京如有窩留藏匿等
情是明知故犯定將本人從重治罪十家一并連坐
欽此○七年

諭據禮部奏朝鮮國王咨稱其國居民七人冒越疆界
將節度等官草職拏問定罪等語愚民圖利冒越疆

界卽內地之人亦間有此該管官失於覺察其過尚小今該國王擬以革職拏問處分太重嗣後凡遇刑罰案件務期準情酌理輕重允當著行文該國王知之欽此○又暹羅國貢使呈稱

京師為萬國所景仰國王意欲令伊等觀光

上國遍覽名勝回述以廣見聞奉

旨不必禁止著賢能司官帶領行走仍賞銀千兩若所喜物件聽其購買又呈稱奉國王命本國所產馬匹

甚小久慕

天朝所產馬駝羸驢高大請各買三四疋回國奉

旨著照所請準其購買所買價值著內庫支給○又福
建撫臣奏稱暹羅國王令貢使採買東京弓二
十張紅銅線十擔應否準其採買部議以違禁
不準具奏奉

旨暹羅遠隔重洋恭順修職歷有年所其請採買物件
該撫採買賞給○九年

盛京將軍奏請於草河靉河匯流入江之莽牛哨
設立水路防汛奉

旨朕思該將軍所奏設立水路防汛之處既與朝鮮連
界著該部行文詢問該國有無未便之處俟奏到日
再議嗣據朝鮮國王咨稱懇請仍遵舊例經部轉奏
奉

旨前據盛京將軍奏請設立水路防汛於草河靉河等
處朕因與朝鮮連界降旨詢問今著照該國王所請

不必增設防汎○十三年十二月

諭朝鮮感戴我朝之恩虔修貢職甚為恭敬凡大臣
官員差往彼國者向有餽送舊例朕以厚往薄來
為念著從此次詔使始凡餽送白金儀物等項悉
按舊裁減一半永著為例欽此○是月議準朝鮮
國人越境搶刦人參殺傷人命照例令該國王
分別定議治罪除首犯三人奉

旨正法餘犯及糾束不嚴之官員皆援本年九月初

三日

恩詔赦免釋放該國王將兇犯多人全數拏獲免其
議處○乾隆元年

諭嗣後凡出差朝鮮使臣回京路經奉天及山海關
等處著該將軍及監督稽察倘有於正禮外多帶
儀物者即行叅奏若代為隱匿將來發覺一并議
處欽此○又

諭朝鮮歸順我朝恪守藩封之職蒙我

列祖

卷九十四

皇考怙冒深恩至優至渥即如貢獻一節屢經裁減厚往薄來無非加惠遠人之至意朕即位以來又將該國餽送使臣儀物諭令減半以示體卹乃使臣等於正禮外復照舊日陋規開都請別請兩單私相授受其罪固不可逭而該國王即照陋例應付亦屬不合若能體朕心自當以恪遵諭旨為恭不當以私厚使臣為順也著禮部行文該國王嗣後

凡有奉差彼國務宜遵朕前旨將餽送正禮裁減
一半至陋規等項悉行禁止不得私與既干功令
復負朕懷遠之恩欽此○是年暹羅國貢使呈稱
銅器自奉禁後彼國乏用懇

恩許其赴粵採辦奉

旨該國呈稱銅鑿造福送寺之用部議照例禁止固
是今特加恩賞給八百斤後不為例○二年議準
安南國餽送封使禮物令奏明收受○四年覆

準朝鮮國使臣出入關口通事及迎送守關等
官不得索取土物陋規及沿塗抑勒不令在大
莊寬房住宿該將軍嚴行督禁如有犯者叅奏
治罪○五年題準朝鮮國民金時宗雖繫私越
疆界與內地民人王高士等彼此往來結幕住
宿有犯禁限但尚無刦殺重情應將金時宗等
照越度緣邊關塞因而交通外境者律擬絞監
候秋後處決○又定朝鮮人犯經刑部擬監候

者行文該國王照例監候俟明歲由刑部入於
秋審冊內覈擬具奏○又題準寧古塔將軍咨
稱拏獲越界朝鮮人西嫩達伊年等二十五名
均繫寬食窮人解交

盛京將軍族朝鮮貢使帶回○又題準朝鮮國王
咨稱拏獲越邊民人鄭世弼宣明等既該國王
嚴加質訊皆繫寬食窮民並無採參及越邊情
弊應免其治罪○七年

諭朝鮮國民人越境犯法屢荷寬典乃朕格外之恩
若無知之人見屢次從寬漸流於縱肆則犯法者
轉多非朕保全外藩民人之本意矣該國王當嚴
加約束不時稽察俾各安分不致再罹法網欽此

○九年

諭內地人民違禁冒出朝鮮地方生事原奉

皇祖

皇考諭旨準該國王即行追拏擒送使匪類知懼今據

該國王咨稱昨年春間有撐船人等成羣出來幸
將軍遣兵追捕不意今夏又復採獵行走此等違
禁越境之人即應遵奉

皇祖

皇考諭旨於此時擒拏解送或即飛咨盛京將軍嚴拏
務獲乃國王自行疎縱但具文咨部懇請轉奏以
致曠日持久匪類遠颺殊屬不合該部可傳旨該
國王並行文盛京將軍嚴拏務獲毋得忽視欽此

○十一年朝鮮國王奏稱莽牛哨增設汛兵並
柵外起墾懇請停止等因奉

旨朕思加恩朝鮮從來優渥今莽牛哨增設兵丁巡
察一事既經勘明與該國界址無慮濶雜滋擾且
於內外均屬有益而該國王又陳奏其不便情辭
懇切究未知該地實在情形如何著詳加察勘如
果在中國界內則設兵置汛以杜姦宄所以肅靖
邊防自屬應行之事即該國王懇請亦不便準行

若其地界或有犬牙相錯難免溷淆之處亦即據實奏聞候朕別降諭旨至從前議展邊疆土一案該國王既稱鳳凰城樹柵之外向留空地百餘里務使內外隔截以免人煙輳集溷雜滋事之患此奏尚屬可行著將鳳凰城展柵之處照所請停止

○又奉

旨朝鮮國王世戴國恩甚屬恭順若莽牛哨設汎彼國無知小民倘有違禁者恐致獲罪是以奏請其

安設此汛之處雖有江灘分界不過一二里之遙
相隔甚近如彼屬下人等不能遵奉該國王禁令
以致該國王得罪朕心有所不忍著照所請莽牛
哨增設汛兵之處停止令該國王將所屬人等嚴
加約束至於察拏內地偷越之人並應行咨報之
處仍照原議實力奉行不必交部再議○十二年
題準朝鮮國跟役私同內地旗人越邊買馬照
律定罪外該國王即將失察之貢使書狀官聲

明革職免其察議○十三年覆準朝鮮國王咨
稱日本關白新立該國照例通使○又朝鮮國
人李云吉誘脅女口越疆轉賣照律擬絞監候
仍照乾隆五年定例入於秋審冊內覈擬具奏
○又題準朝鮮國王咨稱彼國訓戎鎮越江東
邊有烏喇民人造家墾田照康熙五十四年定
例行令寧古塔將軍確察禁止所蓋房屋拆毀
其違禁民人及不行察禁之該管官察明照例

辦理○又題準朝鮮人入山海關所帶貨物如
繫彼國土產該監督稽察與鳳凰城總管印文
相符及出關所帶貨物與本部劄付相符仍免
其輸稅至印文劄付所開之外如別帶物件及
不繫彼國所產者即照數按則輸稅以杜沿途
夾帶之弊倘有察出違買禁物該監督即行報
部治罪

一調卹順治元年議準外國貢使或在塗病故

由部具題令內院撰擬祭文所在布政使司備
祭品遣官致祭一次仍置墳塋立石封識如同
來使人自願帶回骸骨者聽若到京病故給棺
木紅段遣祠祭司官

諭祭該兵部應付車馬人夫其應賞等物仍付同來使
臣頒給若進貢從人在京病故者給棺木紅紬
在塗病故者聽其自行埋葬○六年朝鮮國王
李倬卒遣陪臣赴

京告哀進貢題準

賜諡

賜祭諡號祭文內院撰擬遣正副使前往讀文致祭祭
品用檀香一帛一銀壺一爵三犢牛一羊豕各
二饌筵二十席酒二尊並給素綾六素紬六藍
紬二〇十六年朝鮮國王李滉卒

賜諡

賜祭與六年同○康熙二年安南國王黎維禔卒世子

維禧權管國事赴告廣西由巡撫疏報覆準命
遣陪臣告哀恭請

朝命三年覆準

諭祭安南故王祭文由內閣撰擬白金百兩絹五十疋
由戶部移取遣內院禮部官各一人齎往讀文
致祭○七年琉球國王尚質卒世子尚貞權管
國事赴告福建由巡撫疏報覆準族該國世子
尚貞請封到日將

賜卹禮物交封使齎往○十三年朝鮮國王母妃張氏卒遣使

諭祭一次祭品與國王同○是年朝鮮國王李棚卒遣

陪臣告哀議準

賜卹朝鮮故王照例致祭一次又從優加祭一次○又

安南國王黎維禧卒其弟維禔遣陪臣告哀○

二十年議準

賜卹故琉球國王白金百兩絹百疋並祭文即令封使

齋往○二十一年安南國權管國事黎維禔卒
其弟維正遣陪臣告哀○二十二年覆準康熙
十三年安南國王黎維禧卒因廣西道阻未及
遣使致祭今其弟維禔又卒應一并遣使

賜卹○是年遣翰林院禮部官為正副使齋祭文銀絹
諭祭故安南國王黎維禧及其弟維禔○三十七年朝
鮮歲饑表請中江開市奉

旨準以積貯米穀水陸共運四萬石至中江平糶遣大

臣一人前往監糶又

特發米萬石賞給○四十八年覆準琉球國王尚貞卒
世子尚純先亡其

賜卹之禮竢該國世孫尚益請封到日再議○五十二
年覆準琉球國世孫尚益卒其卹典竢該國世
曾孫尚敬請封到日再議○五十六年安南國
王黎維正卒世子黎維禔權管國事竢

命於朝遣陪臣赴京告哀○五十七年覆準

賜卹故琉球國王尚貞及未受封之世孫尚益銀絹祭文均照例交封使齎往○五十八年覆準

賜卹安南國故王祭文銀絹照琉球國例即交封使齎往嗣後均照此例行○五十九年朝鮮國王李煇卒遣使

賜卹照例致祭一次又加祭一次○雍正元年

諭琉球國進貢來使等頭號船內員役皆衝礁覆沒甚屬可憫所失表文方物免其補進準作送到京師二

號船所存方物交與來使帶回仍準作進貢到京向
有賞給國王及貢使等恩例今作何賞給之處照例
具奏竢降旨後行文該地方官賞給令其起程遵
旨議準琉球國進貢

賜該國王之物應由內閣撰

勅行文該督備辦照數賞給交與都通事帶回移咨
該國王祇領○二年議準朝鮮國王李昀卒權
署國事世弟李昡奉表告哀其

賜卹故王祭文銀幣照琉球安南之例交封使齎往讀
文致祭○又議準琉球國入監讀書官生內一
名病故

賜銀三百兩以百兩交本部官於近京地方營葬以二
百兩付貢使附回其家○五年安南國王黎維
禔因雲南開化鎮清釐地界奉表謝罪奉

旨覽王奏感恩悔過辭意虔恭朕特沛殊恩將督臣等
清出之地四十里賞賜該國王○六年覆準朝鮮國

王咨稱朝鮮國人賒欠內地商人銀六萬兩令該國王將已收銀存於彼國如有應用之處聽其支用其未完者槩行免追○七年

諭朝鮮國王奏稱其國賊黨謀逆旋即敗露遣兵捕緝醜類全獲已正典刑等語朝鮮世効恭順受朝廷怙冒之德彼國兇醜即繫干犯天討之人該國王先事覺察不使漏網從此境內無警官民乂安朕心深為嘉慰茲因使臣回國著於常賜外加賜國王段四十

足內府書籍四種

康熙字典性理精義詩經傳說音韻闡微各一部

其該國

官員兵丁等發姦捕賊効力有功亦屬可嘉著頒帑銀萬兩交與該國王分別賞給務令均霑欽此○是年朝鮮國王告其世子李緯卒遣使

諭祭一次○八年朝鮮國王李昖為嫂妃魚氏卒遣使告哀照例遣使

諭祭一次○九年安南國王黎維禔卒嗣子維祐遣使告哀○十一年

賜卹故安南國王祭文銀絹卽交封使齎往○又議準
蘇祿國王母漢末母拉律林奏稱其祖東王於
永樂間來朝歸在山東德州地方病故其墳墓
及子孫存留賜卹之處經今三百餘年廢墜已
久懇請給復等情蘇祿國遠隔重洋久未通貢
從前該國王墳墓

本朝額設春秋二祭久載山東祀典至雍正五年
該國王奉表進貢今復奏請伊祖東王墳墓以

及子孫在德州地方懇請整理賞給應令山東
巡撫轉飭該地方官清釐墓址並神道享亭牌
坊等項估計修葺準其支用錢糧造冊報銷仍
令伊孫安汝奇溫崇楷立為族長看守墳墓至
該國王請復給子孫月糧薪帛之處久經停止
不必更給但安溫二姓皆繫蘇祿國王適派應
令該地方官於二族中遴選稍通文墨者各一
人為東王奉祀照各省奉祀生例給與頂帶有

闕則遞行遴補永為定例○乾隆二年安南國王黎維祜卒弟維禕遣使告哀

賜卹祭文銀絹即交封使齎往○七年

諭今年天氣炎熱蘇祿國使臣在京著禮部委官加意照看多給冰水及解暑湯藥並遣醫人時往看視欽此○十八年覆準琉球國王尚敬卒其卹典竣該國世子尚穆請封到日再議

一拯救崇德二年定凡內地民人駕船被風飄

至朝鮮境內者令該國解送○康熙二年暹羅國正貢船行至七洲海面遇風飄失止有護貢船一隻來至虎門仍令遣回○二十三年議準朝鮮國解送漂海內地人口賞差官銀三十兩小通事八兩從人各四兩於戶部移取嗣後外國有解到漂失人口者均照此例賞給其彼處收養漂失人口之人行令該國王獎賞○四十年琉球貢使回國颶風壞船柯那什庫多馬

二人以拯救免奉

旨著地方官加意瞻養俟便資給發還此等船損壞皆因修船不堅所致嗣後貢使回國時該督撫驗視其船務令堅固○四十二年琉球國入貢員役有先回者將拯救在閩之柯那什庫多馬二人附回○

四十五年福建商船遭風飄至朝鮮國南桃枝地方沉沒該國王令地方官拯救貨物給還商人差官押送遞發各原籍嗣該國王報稱募善

泗者取得黑角象牙蘇木等物除交該國王將去
勸賞賜外奉

旨黑角象牙解送京師有累驛遞蘇木亦不必變價均
令該國王酌量處置○四十六年琉球國入貢附回
飄風商民十有八人飭行原籍安插○四十九
年朝鮮國廣州人七名往本國海州貿易被風
漂至江南泰州救存該撫照琉球國失風例給
與口糧棉衣委官護送至

京奉

旨著朝鮮通事一名該部行文由驛遞送至朝鮮所屬
易州地方由彼轉送歸籍○五十二年琉球國神山
船載人三十口飄至閩省地方著安插柔遠驛
按名支給口糧銀米附貢船歸國○五十四年
琉球國人四十三名飄至廣東文昌縣遞送閩
省給與口糧附貢船回國○雍正七年

諭覽福建巡撫所奏呂宋被風夷船既開往廣東佛山

著廣東督撫給與口糧加意撫卹聽其候風回國嗣後凡有外國船飄入內地者皆著該地方詢明緣由悉心照料動公項給與口糧修補舟楫俾得安全回國欽此○乾隆二年

諭沿海地方常有外國船遭風飄至境內朕胞與為懷內外並無歧視豈可令一夫失所嗣後如有飄泊人船著該督撫督率有司動用存公銀賞給衣糧修理舟楫並將貨物給還遣歸將此永著為例

欽此○五年

諭據福建巡撫奏稱莆田縣民人出洋貿易遭風飄
至朝鮮國楸子島拯救得生該國王給以薪米衣
服又為修整舟楫加給食米三十石俾得回籍等
語中國商民出洋遭風朝鮮國王加意資助俾獲
安全甚屬可嘉著該部行文傳旨嘉獎欽此○又
諭據浙江提督奏稱江南商民五十三人被風飄入
琉球國葉壁山地方彼處官員撈救人貨供給養

瞻該國王遣都通事護送福建交卸等語中國商民飄入外洋該國王加意養贍資送不令失所甚屬可嘉著該部行文傳旨嘉獎遣來都通事著該督撫賞賚欽此○又福建提督奏稱蘇祿國王遣番目人等送回內地遭風海澄縣商民二十五人奉

旨嘉獎○十七年

諭據福建巡撫奏稱琉球國貢使在洋遭風業經收

回本島該國王將原船修葺並將閩縣遭風船戶
蔣長興等常熟縣商民瞿長順等留養二年給與
口糧隨船護送來閩等語中山王尚敬素稱恭順
今貢船遭風堪為軫念又將內地遭風商民留養
附送至閩甚屬可嘉著於進貢常例外加賜該國
王蟒段閃段錦段各二端米段素段各四端以示
嘉獎其在船官伴水梢人等該撫分別賞賚欽此

○又

諭據福建巡撫奏稱同安縣民林順泰船在洋遭風
飄至琉球國宇天港地方該番目遵國王之令代
為修葺資給口糧俾得回權等語琉球遠隔重洋
素稱恭順今番目遵其王令將內地遭風商船修
葺資送誠款可嘉著賜該國王蟒段閃段錦段各
二端米段素段各四端以示嘉獎番目著該督撫
優加賞賚交與國王頒給均獎貢使回國帶往欽
此○又朝鮮國人十二名被風飄至浙江定海

縣地方照例伴送來京安插館內給與口糧附
貢使歸國○又朝鮮國人七名飄至福建臺灣
地方照例送京安插附貢使歸國

欽定大清會典則例卷九十四

欽定四庫全書

欽定大清會典則例卷九十五

禮部

主客清吏司

賓館

一館舍順治初設會同館以待外國貢使主客
司滿漢主事各一人提督館事凡貢使來京提
督官據督撫報文稽正從人數申部劄光祿寺

支送飯食等物咨工部應付鋪墊什物計到館
馬數咨戶部給發草豆奏撥官兵看守咨兵部
撥送到館次日率貢使齎該國王表文至部呈
堂公同拆閱大使將進館時日及進貢人數具
呈報部○十四年設員外郎品級通事一人掌
會同館印○康熙十二年題準裁掌印通事館
內一應事務由部委官專管令主客司公同辦
理○雍正二年議準會同館舍仍令外國先到

者居住別撥乾魚衛衙官房一所交該部管理
如俄羅斯人先入會同館即令朝鮮人居住此
處再撥

御河橋官房一所亦交該部以備他國使臣同時
至京者居住○十三年奏準會同館例委司官
一人監督其事辦理外國進貢及牧養外國馬
匹事宜其需用草豆錢糧由監督請領採買銷
算鑄給禮部會同館監督關防凡支銷事宜令

鈴蓋以為憑信○乾隆二年奏準自雍正二年
定議俄羅斯人到京準於會同館居住自是以
來俄羅斯人到京必入會同館因循成習設有
彼俗廟宇他國使臣不復棲止朝鮮人役衆多
每令住乾魚衚衕官房但人馬多有不便應將
此房繳還工部別擇安定門大街內務府屬官
房一所以待朝鮮每年貢使至

御河橋官房仍留以備他國來使之用○又奏準

會同館買草悉照五城時價報銷照數增減務期覈實浮冒者叅處○七年奉

旨外國使臣在京若遇禁止屠宰其每日應得食物著照常給與永著為例○八年覆準內務府將正陽門外橫街官房一所指定三十七間半與

御河橋及乾魚衛衙官房二所作為會同館按從前會同館設立內城原以便監督稽察周其日用官兵看守嚴其出入今在正陽門外與設立

內城之例不符但見在朝鮮安南琉球等國使臣不日來京不得不豫為安頓將舊館額設館夫十八名內酌撥此館居住看守族外國使臣來京除照例撥八旗官兵看守外再行文步軍統領增撥綠旗官兵加意防護並令監督等不時巡視○十年覆準向來會同館監督繫由部酌委按監督專司一應外國貢使照看館內互市較他監督尤為緊要嗣後由部簡選品行端

方操守廉潔之員引

見恭候

欽用一人○十三年

諭提督四譯館以今視之實為廢冗閒曹無所事事
不如裁之為便如以為應設以備體制則不宜聽
冷員虛廩其應裁應設著大學士會同該部議奏
欽此遵

旨議準將四譯館歸并禮部會同館於禮部滿漢郎

中內簡選二人引

見候

旨簡用一人令其兼理定以三年更代換給印信以昭信守其四譯館卿向加太常寺少卿銜於義無取惟鴻臚有分引外國朝儀之職兼理之人請加以提督會同四譯館禮部郎中兼鴻臚寺少卿銜仍照原銜食俸升轉再會同館原設大使一人朝鮮通官十有四人書吏八名皂隸六

名館夫十有八名照舊存留以備任使館舍舊有三處一在

御河橋一在安定門大街一在正陽門外橫街原繫豫備貢使館舍並非會同館衙門今新設會同四譯館衙門即以四譯館充設無庸更建所有四譯館冊籍番書仍於館內收貯○又奏準外國朝貢舊有館舍三處惟安定門大街一處計七十四間當時原為朝鮮隨從人馬殷繁增

設嗣因使臣以住宿不便改館

御河橋其安定門一館經久不住今安南貢使到京業安置橫街館內

御河橋一所應留為朝鮮年貢居住但見據雲南督臣題報南掌國入貢又據廣東撫臣題報暹羅國入貢當茲萬國攸同之日自宜修理館舍以昭體統安定門一館房宇雖多皆繫奇零湊合又久未修理於觀瞻未肅地安門外有原建

正一真人公館一所計八十一間整齊完固已
屬閒曠將此處充設貢使館舍其安定門舊館
仍繳還內務府○二十一年移地安門外貢使
館舍於宣武門內瞻雲坊

一象譯順治十五年題準會同館肄業官生無
定額凡有世業子弟通曉譯語者準劄館肄業
族序班員闕依次充補學習三年滿日精通譯
語者支米又三年題授冠帶又三年咨吏部具

題實授序班○乾隆二年奏準會同館司賓序
班實屬冗員槩行裁汰○十三年議準四譯館
卿率其屬不過傳習各國譯字見在入貢諸國
朝鮮琉球安南表章本用漢文無須繙譯蘇祿
南掌文字館內原未肄習與暹羅表章率由各
省督撫令通事譯錄具題至百夷即川廣雲貴
各省土官今既改置州府或仍設土官皆隸版
圖事由本省回回高昌西番西天等國以及洮

岷河州烏思藏等處番僧見在入貢統隸理藩
院接待據理藩院覆稱高昌館宇與蒙古同西
天館宇與唐古忒同是該館並無承辦事務應
將四譯館歸并禮部會同館原設提督四譯館
太常寺少卿一人典務一人並應裁汰原設回
回高昌西番西天暹羅緬甸八百百夷八館每
館序班一人譯字肄業生共九十六人應合回
回高昌西番西天為一館曰西域館除蒙古唐

古忒無庸置譯字生外將回回西番譯字生酌
留四人合暹羅緬甸百夷八百並蘇祿南掌為
一館曰百夷館將暹羅百夷譯字生酌留四人
原設序班八人酌留二人以備體制餘緊裁汰
再會同館大使向於各省雜職內推升今既以
四譯館歸并會同館應照從前四譯館典務之
例於序班內升用由吏部論俸推補序班員闕
於譯字生內選補譯字生闕於在京童生內選

充由館呈部考補○十六年奏準嗣後在會同
四譯館設立朝鮮譯學於下五旗朝鮮子弟內
各咨取四人令在館用心學習於見在諳曉譯
語通官內選擇二人教習凡通官員闕由部當
堂考試於應補旗分內擇精熟者充補如學習
日久不能諳曉者發回該旗別行咨取○二十
三年奏準朝鮮通官裁去六品四人七品二人
增設八品二人

馬館

一芻牧順治初年設馬館以飼外藩駝馬內館

一在安定門外館三在通州

後改建館二一在宣武門一在東便

外門

內館筆帖式館尉各一人外館筆帖式一人

館尉二人主分撥餽養夏秋牧放之場一在

南苑西一在良鄉縣東牧馬十匹雇夫一名內館

夫日給銀七分外館夫日給銀八分其炊豆上

草飲水打掃等事由部別撥間丁十有一人承

直○康熙十三年題準外藩馬駝在內外館牧
養時每羣撥官一人驍騎校一人領催一名驍
騎二名監看牧養至在場放青時每羣撥官一
人兵十名牧放如在通州館牧養撥防護官兵
由部移咨兵部取用每七匹雇夫一名凡承直
判草上草擔水飲水炊豆打掃等差停其撥間
丁皆雇民夫日各給銀一錢每年覈算申部察
覈移咨戶部奏銷其支應各藩炊豆及印烙拴

牌柴薪等項該館監督每季造冊呈部察覈移咨工部奏銷○二十三年覆準內外馬館所設筆帖式裁去以禮部理藩院司官為正副監督各擬正陪引

見候

旨補用一年期滿更代○又題準兩館餽養馬駝嗣後五十匹以上每十匹用夫一名如不及五十匹者仍照前例每七匹用夫一名○三十一年

諭牧養外藩馬駝用旗員監看因屢屢更換以致不能
肥腴徒費錢糧可否特委官員監看著大學士會同
禮部理藩院議奏欽此遵

旨議準嗣後於八旗滿洲蒙古漢軍隨旗行走官員內
令該旗都統引

見每旗各用二人監看牧養各有專責如仍牧養不勤
該監督指名報部題叅從重議處如監督徇情
不舉一并叅處○三十三年覆準外藩馬駝牛

初到二日給空草三日至五日給半料八日後
給全料每馬給空草十四斤半料豆三升草十
四斤全料豆六升草十二斤每駝給空草十斤
半半料豆二升草十斤半全料豆四升草九斤
每牛給空草十四斤半料豆二升草十四斤全
料豆四升草十斤每日馬駝牛煮料柴各二斤
每駝十日給鹽半斤○三十八年奉

旨索倫窮苦夏秋來時亦給與草料○四十三年覆準

餽養外藩馬駝數目親王本身及從人六十匹
郡王五十匹貝勒額駙四十匹貝子和碩額駙
三十五匹公多羅額駙二十五匹固山額駙公
主之子姪有嫺親台吉均十有五匹扎薩克台
吉十匹台吉塔布囊八匹都統子副都統五匹
固倫公主六十五匹和碩公主照親王例郡主
照郡王例縣主照貝勒例郡君照貝子例縣君
照公例鄉君照扎薩克台吉例○四十四年覆

準嗣後餵養馬駝每十有三匹雇夫一名每夫
日給工食銀八分○四十五年題準每日馬給
豆三升二合四勺草十二斤駝給豆三升二合
四勺草九斤牛給豆二升草十斤煮豆柴各一
斤半○雍正五年覆準看守內外館官兵令五
日一更換○七年奏準東便門外馬館改建倉
廩別擇得廣渠門外內務府屬菜園地照舊館
週圍撥給二百丈設立馬館將舊館所有瓦房

三間平房九間大門一座大小甕槽八十有五
交與工部拆移至新設之館照舊修造奉

旨不必交與工部修造爾部監造○十三年奏準內外
馬館需用草料錢糧由監督請領採買銷算應
鑄給禮部內外馬館監督關防一切支領銷算
事令其鈐用○乾隆二年奏準馬館採買草悉
照五城時價報銷於價貴時照數遞增價賤遞
減務期覈實浮冒者叅處再運豆車價太常寺

館既經奏準官給馬館車價亦準一例支領

欽定大清會典則例卷九十五

欽定四庫全書

欽定大清會典則例卷九十六

禮部

精膳清吏司

燕禮

一大燕禮崇德元年定元旦王貝勒貝子公等
每旗各進

御前

中宮筵席牲酒外藩蒙古王貝勒等每旗各進

御前

中宮牲酒設燕於

崇政殿王以下各官均於

殿內按翼依次列坐如停止筵燕免進筵席牲酒

○又定王以下百官均於

殿內序立候進

御筵畢王以下都統以上進前立各官於原班立進

酒官跪進酒羣臣皆跪進酒官退原處跪

皇帝進酒畢羣臣興退至原班列坐○又定

萬壽聖節設燕王等進筵席牲酒一應禮儀與元旦

同○順治八年

世祖章皇帝大婚禮成

御太和殿設慶賀燕內外親王郡王在

殿內坐貝勒以下在丹陛上坐文武各官於各翼

幕次下坐作中和樂行禮如元旦儀是日恭進

皇太后筵席牲酒○九年題準

萬壽聖節親王世子郡王各進筵席牲酒外藩王貝勒貝子每旗各輪進

御前牲酒是日設燕前期由部題請如停止筵燕即免進一應禮儀均與元旦同○又題準冬至日內外王公均進筵席牲酒前期禮部題請如停止筵燕即免進一應禮儀均與元旦同○十年題準元旦親王世子郡王各進

御前筵席牲酒外藩蒙古王貝勒等各進

御前牲酒如有不足由部劄光祿寺增設

御筵由尚膳監供辦王以下各官筵席由光祿寺供辦前一日由部題請本日午時筵燕王入

殿內坐貝勒以下在丹陛上坐外藩王貝勒亦按爵在內親王貝勒之下列坐文武各官在兩旁幕次內坐朝貢陪臣在幕次末坐○又題準王

以下公以上於丹陛上立各官於各旗幕次下

立

皇帝進茶時王以下各官及朝貢使臣皆行一跪一

叩禮

皇帝進酒時亦行一跪一叩禮興王等入

殿內坐貝勒以下各官各就坐次坐○十一年

世祖章皇帝大婚禮成筵燕與八年同○康熙四年題

準

太和殿筵燕內外王以下公台吉以上滿漢侍郎

以上武官二品以上在丹陛上兩旁坐朝鮮國使臣官員厄魯特喀爾喀來使頭目在丹陛上右翼坐文武各官在各旗幕次下坐○又題準皇帝陞座內外王以下公台吉以上在

殿內坐進茶時就坐次行一跪一叩禮至進酒時內王以下公以上出至丹陛上序立外藩王以下各官均於各坐處立候

皇帝進酒時行一跪一叩禮復就坐次坐○是年

聖祖仁皇帝大婚禮成

御太和殿筵燕一應禮儀與順治八年同是日恭進

太皇太后

皇太后

太妃前筵席牲酒○八年題準

萬壽聖節王等各進筵席牲酒於午時筵燕是日屆

時王以下各官咸朝服齊集

太和門前鹵簿大駕全設鴻臚寺官引文武各官

及進貢陪臣等咸入禮部堂官奏燕備

聖祖仁皇帝陞太和門座作中和樂樂止鳴鞭王以下
內大臣一等侍衛以上在門下分翼列坐二等
三等侍衛在階下分翼列坐文武各官在金水
橋南分翼按品級於各旗幕次下坐進貢使臣
在右翼班末序坐尚茶進茶王以下各官就坐
次行一跪一叩禮次進

御筵作丹陛樂王以下公以上至階下丹墀內序立各

官就坐次立進酒大臣奉爵跪進王以下各官
皆行一跪一叩禮畢次設王以下各官筵席進
饌作中和樂燕畢謝

恩作丹陛樂王以下公以上在丹墀各官在金水橋南
行一跪三叩禮畢鳴鞭作中和樂

聖駕還宮樂止各退○二十一年題準元旦親王世子
郡王長子貝勒貝子入八分公各進

御前饌筵牲酒設燕如常儀○二十三年議準元旦

筵燕坐次左翼內外王十人在一班坐內外貝勒五人貝子三人公六人在一班坐內大臣及台吉十人為兩班坐一等侍衛為兩班坐二等侍衛為一班坐共七班其餘侍衛在鹵簿外坐右翼內外王十人在一班坐內外貝勒四人貝子六人公十七人為兩班坐內大臣及台吉十人為兩班坐一等侍衛為兩班坐共七班二等侍衛以下在鹵簿外坐內閣大臣於首班內大

臣之下序坐都察院堂官

日講起居注官原侍立處坐嗣後如有加增官員
照此酌量序坐○又議準改饌筵為肴羹不用
銀器王等傳進饌筵改進肴羹筵席親王各十
有六席世子十有四席郡王十席貝勒六席貝
子四席入八分公二席○雍正四年題準元旦
賜王公百官燕已刻王公及外藩王公台吉等朝服集
太和門文武各官朝服集

午門外鹵簿大駕全設設中和韶樂於

太和殿檐下設丹陛大樂於

太和門均北嚮設

御筵於

寶座前稍南內大臣內務府堂官禮部堂官理藩院堂官共視設席丹陛上張黃幕陳金器丹陛下鹵簿後張青幕設各官席畢鴻臚寺引百官入理藩院引外藩王公入王以下台吉以上在丹陛

上立左副都御史副都統通政使以下各官在
丹陛下立午刻禮部堂官奏燕備

駕御太和殿中和韶樂作奏太平之章

午門鳴鐘鼓陞座樂止鑾儀衛官唱鳴鞭階下三
鳴鞭鴻臚寺理藩院官引王公大臣進

殿內行一跪一叩禮坐文官三品武官二品以上
於丹陛上文武百官於青幕下並行一跪一叩
禮坐尚膳護軍叅領升通

御筵尚茶進茶丹陛大樂作王以下各官皆就坐次跪
行一叩禮進茶畢侍衛分授

殿陞王大臣茶光祿寺分授青幕下羣臣茶皆就
坐次行一叩禮飲畢復行一叩禮坐樂止展席
幕掌儀司官就黃幕下奉爵進丹陛清樂作奏
朝天子之章羣臣起掌儀司官進至楹東西嚮
酌酒進酒大臣進跪王公百官皆跪掌儀司官
跪舉爵授進酒大臣興退進酒大臣由中陞升

進至

御座側跪進酒興由西陞降復位跪行一叩禮王公百
官咸行一叩禮進酒大臣由西陞升仍就進酒
處跪接爵由中陞降復位跪掌儀司官跪接爵
退掌儀司官一人奉酒卮賜進酒大臣大臣跪
受行一叩禮飲畢掌儀司官接卮退進酒大臣
復行一叩禮興退入原坐次坐王公百官皆坐
樂止乃進饌中和清樂作奏金殿喜重重之章

分給各筵

恩賜食品及酒各一庖侍衛酌酒授王公大臣光祿寺
酌酒授百官皆起跪受爵行一叩禮卒飲再行
一叩禮復坐樂止笳吹進歌畢慶隆舞樂進先
舞揚烈舞次隊舞大臣進

殿舞喜起舞均以樂歌和之舞畢朝鮮國俳進百
技並作退鴻臚寺理藩院官引王以下各官行
三叩禮丹陛大樂作奏慶平之章鑾儀衛官唱

鳴鞭階下三鳴鞭中和韶樂作奏興平之章

聖駕還宮○乾隆三年題準元旦

太和殿大燕定饌筵二百有十席羊百酒百餅親
王每人進席八郡王席五均羊三酒三餅貝勒
進席三貝子席二均羊二酒二餅入八分公進
席一羊一酒一餅親王十有二人郡王八人貝
勒六人貝子二人入八分公十有五人共應進
饌筵一百七十三席羊九十一酒九十一餅由

部行光祿寺增備席三十七酒九餅兩翼稅務
增備羊九

御燕筵席照例交內務府敬謹備辦○六年奉

旨御殿日八旗大臣官員賜茶皆由光祿寺備辦八
旗驍騎分賜看來不甚整齊嗣後交尚茶備茶內
務府各執事人及內府護軍分賜○八年奉

旨嗣後御殿及筵燕日殿內止大臣賜坐侍衛等不
必賜坐著禮部前期行取應賜茶之王大臣數目

每人以侍衛一人授茶其筵燕日與燕大臣衆多
若授茶侍衛不敷並令親軍奉授○十五年題準
元旦

太和殿筵燕親王十有一人郡王九人貝勒四人
貝子二人八分公十有二人照三年之例共
應進饌筵一百六十一席羊八十四酒八十四
餅光祿寺增備席四十九酒十有六餅兩翼稅
務增備羊十有六

一

皇太后宮筵燕順治十年定

皇太后宮三大節筵燕

皇后率固倫公主親王福晉以下縣主輔國公夫人
及公侯伯子都統尚書等命婦以上均與

皇太后前筵席尚膳監供辦親王世子郡王各進筵席
牲酒外藩貝勒貝子每旗各進牲酒皆交尚膳
監收進陳設不足光祿寺供辦○康熙四年題

準

太皇太后

皇太后前三大節恭進筵席牲酒○七年題準

太皇太后

皇太后三大節諸王各進筵席牲酒

皇后率公主福晉大臣命婦詣

宮行禮畢筵燕○乾隆三年題準正月初二日

皇太后宮筵燕定饌筵三十席羊二十酒二十餅親王

郡王每人進席一羊一酒一餅共進席二十羊
二十酒二十餅光祿寺增備十席○十五年題
準正月初二日

皇太后宮筵燕業經奉

旨二品大臣命婦咸令與燕按親王十有一人郡王
九人應進席二十羊二十酒二十餅光祿寺增
備席二十共席四十交內務府收入陳設至恭
進

皇太后前

攝六宮事皇貴妃前御筵

貴妃

妃

嬪前饌筵照例交內務府敬謹備辦○十六年題

準

皇太后萬壽

慈寧宮筵燕例設席四十按親王十有一人郡王九

人進席二十羊二十酒二十餅光祿寺增備席
二十共四十席交內務府收入陳設至恭進

皇太后

皇后前御筵

貴妃

妃

嬪前饌筵照例交內務府備辦

一

皇后宮筵燕崇德元年定

皇后前元旦千秋節設燕固倫公主和碩公主親王
福晉以下至一品命婦齊集郡主縣主郡君縣

君均候

旨齊集如停止筵燕均免齊集

一筵燕外藩崇德元年定喀爾喀來朝五日

賜燕一次設筵四十席○又定索倫部落進貢每三

日

賜恩燕一次○三年定喀爾喀厄魯特台吉來朝

賜恩燕一次○又定外藩蒙古王貝勒貝子公台吉

等朝賀元旦除元旦大燕外

賜恩燕一次○七年定喀爾喀厄魯特來進年貢

賜恩燕一次○崇德七年西藏達賴喇嘛遣使來

御賜燕一次○八年同○順治七年達賴喇嘛使來

在部燕三次○十年達賴喇嘛來朝

御賜恩燕一次遣親王迎送在塗均設燕○順治十

一年奏準蒙古王貝勒貝子公台吉都統等以
事來京候常朝

御殿日隨班行禮在

內筵燕一次○康熙二十一年定外藩王以下台
吉都統以上朝賀來京除夕於

保和殿

賜燕一次○三十九年喀爾喀土謝圖汗及和碩親
王來進貢照例

賜恩燕一次再燕二次○雍正十二年奏準今年輪班朝覲之蒙古王貝勒貝子公等奉

旨傳其來京應將除夕燕停止其在京之蒙古王台吉等仍頒賜筵席○乾隆元年定外藩蒙古王等慶賀元旦來京除夕在

保和殿筵燕一次若奉

旨傳其來京隨將除夕筵燕停止其在京之蒙古王等應入燕者照例如數

賜給筵席○十九年

賜杜爾伯特親王車凌等燕於熱河

行宮與燕外藩蒙古同○二十年

賜綽羅斯汗燕於熱河

行宮與十九年同○二十一年

賜杜爾伯特親王伯什阿哈什土魯番公拜和卓等

燕於熱河

行宮與二十年同

一

視學筵燕順治九年

世祖章皇帝幸國學禮成題準王貝勒貝子公等內院
禮部堂官衍聖公四氏子孫在部筵燕一次○

康熙八年

聖祖仁皇帝幸國學禮成筵燕與順治九年同○雍正
二年

世宗憲皇帝幸國學禮成正值齋期於齋戒完日在部

賜燕設上席三十中席二十下席三十自衍聖公以下
執事各官及五氏子孫咸與○乾隆三年

駕詣太學釋奠禮成次日

賜筵燕於禮部照雍正二年例備席八十外增備席
一百三十六席凡執事官及五經博士觀禮五
氏子孫咸與

一

經筵燕順治十四年

世祖章皇帝御經筵講官進講畢

聖駕還宮衆官咸集

協和門光祿寺備燕二十五席燕畢至

太和門前內金水橋南謝

恩行一跪三叩禮各退○康熙二十四年

文華殿告成舉行

經筵照順治九年筵燕○雍正三年仲秋舉行

經筵燕

經筵講官各官於

協和門設席二十有二羊六酒六餅茶十壺與順
治十四年同○乾隆三年仲秋舉行

經筵筵燕與雍正二年同嗣後皆照此例

一會試燕順治四年題準會試主考各官入場
燕上席中席各給銀花一對下席無花共結采
樓一座采旗六道出場燕主考知貢舉本部堂
官每人上席一銀花一對同考官監察御史提

調各執事官筆帖式每人中席一銀花一對膳
錄彌封受卷對讀守門巡綽供給鳴贊醫官大
使儒士教坊司官每人下席一○康熙十四年
題準會試止設出場燕其入場燕簪花均停止
○二十一年題準會試入場出場燕簪花等項
仍照舊例行○乾隆二年值祈雨齋戒會試燕
停止主考及執事各官仍分賜銀花

一

恩榮燕順治三年定

殿試進士傳臚畢

賜恩榮燕於部

簡命內大臣一人主席讀卷官提調官鑒儀衛堂官
每人一席監試御史護軍叅領受卷彌封收掌
用印巡綽填榜供給鳴贊各官每二人一席護
軍校三人一席由光祿寺備辦○康熙六十年
因祈雨齋戒傳臚後停止

恩榮燕○雍正五年

殿試諸進士傳臚後

賜恩榮燕主席內大臣一人讀卷官十有四人提調官
五人鑾儀衛堂官一人各上席一監試官四人
彌封官十有二人收掌官十人供給官八人填
榜官十有八人護軍叅領六人鳴贊四人每二
人上席一進士二百二十五人一甲三人各中
席一其餘進士二人共中席一○乾隆十年題

準

殿試進士於五月初二日

賜恩榮燕本部見在興工修葺此次在翰林院設燕

一恭繕

神牌筵燕順治五年奉

太祖高皇帝神牌升配

園丘

四祖

四后恭奉

太廟後殿所有監修繕寫官員在部

賜燕一次大學士尚書每人一席學士侍郎郎中每
二人一席員外郎主事每三人一席撰文辦事
中書每四人一席

一修書筵燕崇德年間纂修

太祖高皇帝實錄告成由部備燕於

國史院監修總裁纂修各官筵燕一次○順治

九年纂修

太宗文皇帝實錄開館日監修正副總裁纂修謄錄收掌等官於部筵燕一次○十二年纂修

太祖高皇帝

太宗文皇帝聖訓開館日光祿寺備燕三十席監修總裁副總裁纂修謄錄收掌等官於部筵燕一次
本部堂官陪燕○康熙六年纂修

世祖章皇帝實錄開館筵燕與順治九年同○十一年

纂修

世祖章皇帝實錄告成在部

賜燕一次主席內大臣監修總裁副總裁每人一席纂
修官二人一席收掌官三人一席謄錄繙譯官
四人一席廕生監生生員共二席禮部堂官共
一席○雍正元年纂修

聖祖仁皇帝實錄因在百日内停止開館燕○二年纂
修

大清會典開館日筵燕一次主席大臣一人總裁四人副總裁四人禮部堂官一人共上席十執事官五十三人共中席二十七〇七年纂修

上諭開館日在館筵燕一次席十有三羊三酒一餅茶五壺〇十年纂修

聖祖仁皇帝實錄告成

賜燕主席內大臣一人監修總裁一人總裁三人副總裁六人各上席一禮部堂官共上席一纂修官

二十七人二人共中席一收掌官八人三人共
中席一膳錄繙譯官一百九十二人四人共中
席一○乾隆六年

世宗憲皇帝實錄告成

賜燕與雍正十年同

一行聖公來朝筵燕順治元年定衍聖公進表
慶賀或襲職來京朝

見後在部燕一次隨至之五經博士咸與燕

一筵燕外國陪臣崇德二年定朝鮮貢使至

東京燕一次至

盛京燕二次回至

東京再燕一次○順治十年定各國貢使至

京禮部會同館各燕一次○十三年議準荷蘭貢
使在部

賜恩燕一次部燕二次○康熙九年西洋貢使來

京在部燕三次○雍正三年議準安南貢使在部

燕一次回至廣西燕一次○四年議準琉球貢
使在部燕二次回至福建燕一次○五年議準
蘇祿貢使在部燕二次回至福建燕一次○七
年議準暹羅貢使在部燕二次回至廣東燕一
次○八年議準南掌貢使在部燕二次回至雲
南燕一次○乾隆十六年議準緬甸貢使在部
燕二次回至雲南燕一次

一王府筵燕崇德元年定喀爾喀來朝諸王府

皆設燕○又定索倫部落進貢按旗燕七次○
三年定喀爾喀厄魯特台吉等慶賀來朝按旗
燕七次○又定外藩蒙古王貝勒貝子公台吉
等朝賀元旦除元旦大燕外於每旗王府各燕
一次本旗王貝勒貝子入八分公咸與○七年
喀爾喀厄魯特來進年貢按旗燕七次○順治
十年達賴喇嘛來

京五旗王府各燕一次○康熙二十一年定外藩

王以下台吉都統以上朝賀來京元旦後五旗
王筵燕五次○雍正五年奉


旨外藩扎薩克王貝勒貝子公台吉等朝賀元旦來京
明歲著左翼王等燕一次右翼王等燕一次○乾隆
二年奏準按康熙二十一年定外藩王台吉等
朝賀來京除夕

保和殿

賜燕一次元旦後五旗王等燕五次十四日十五日

賜燕一次是八旗八次雍正五年將五旗筵燕改為左右翼各一次今年元旦後王府筵燕仍按旗各燕一次又向年筵燕本旗諸王均赴主席之王府陪燕設有樂舞蒙古鼓吹嗣後務循舊制令本旗諸王貝勒貝子公等齊集依次列坐燕賓其樂舞除慶隆舞不許用外禮部見有之雜劇等許其承應至本王府亦宜備鼓吹雜劇以侑賓筵○十九年燕杜爾伯特親王車凌等於

熱河宗室王公暨四十九旗蒙古王公各設燕
一次



欽定四庫全書

欽定大清會典則例
卷九十六

欽定大清會典則例卷九十六